



Inatsisartuni ilaasortaq Kristian Jeremiassen, Siumut  
Inatsisartut  
/Maani

### **Inatsisartut suleriaasianni § 37 naapertorlugu qaleralinniarneq pillugu apeqqtut 2012-222-mut akissuteqaat**

Inatsisartut suleriaasissaanni § 37, imm. 1 naapertorlugu qaleralinniarneq pillugu apeqqummit saqqummiussivutit. Apeqqutitit uannut akisassanngorlugit innersuussutigineqarput.

#### **Apeqqutit:**

- 1) Naalakkersuisut siunissamut qanoq pilersaaruteqarpat Qaasuitsup Kommuniani qaleralinniarnep uneqqattaarani ingerlanissaa eqqarsaatigalugu?*
- 2) Uummannap Sulluani Upernaviullu eqqaani aalisarnermi unammillerne-  
rup ammaanqarnissaa eqqarsaatigalugu Naalakkersuisut qaqugu aku-  
ersissuteqarniarpat? Tassami Ilulissat eqqaanni unammillerneq Naalak-  
kersuisut akuersinermikkut ammaatereernikuugamikku.*
- 3) Qaleraliguna Upernaviup Uummannallu eqqaani pitsaanerunngimmat  
Ilulissat eqqaani akisunerutinneqartoq?*

#### **Akissutit:**

##### **1 pillugu)**

Umiatsiaaqqanut pisassiissutit aalajangiunneqartut, tassalu angallatinut 6 meterit ataallugit angissusilinnut, aqutsiveqarfinni pingasuusuni aamma ukioq manna ukiup naannginnerani tamakkerlugit aalisarneqarput.

Naluneqanngitsutut Naalakkersuisut ulloq 30. august 2012 aalajangiuppaat, aqutsiveqarfinni taakkunani pingasuusuni angallatinut 6 meterit ataallugit angissusilinnut pisassiissutinik qaffaanissaq. Pisassiissutinik qaffaaneq tamanna 24. septembarimi atuutilerpoq, septembarimi 100 t-inik, oktobarimi 100 t-inik, novembarimi 50 t-inik, aamma decembarimi 50 t-inik. Tamanna Pinngortitaleriffimmik tusarniaareernikkut Qaasuitsup Kommunianik aamma KNAPK-mik qanimut suleqateqarnikkut aalajangiunneqarpoq, ukiup qaammataanni kingullerni aalisarnermik unitsinnginnissaq ikiorsiiffiginarlugu.

Aalisarnerminnik naleqqussaanaannut aalisartut kaammattuinnarsinnaavakka, taamaaliornikkut aalisarneq ukioq kaajallallugu inger-

18. oktober 2012  
Sagsnr. 2012-074640  
Dok. Nr. 1031765

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apnn@nanoq.gl  
www.nanoq.gl

lanneqarsinnaaqqullugu. Qaaleraleqassutsimut tunngatillugu piujuaannar-titsinissamik tunngaveqarluni iluaquteqarniartarnej eqqarsaatigalugu taakkunannga pisassiissutinik qaffaasoqaqqissanngilaq.

Taamaattorli sinerissap qanittuani qaleralinniarnermut atatillugu ajornar-torsiutaasut eqqumaffigaakka. Taamaattumik tamannarpiaq pissutigalugu suleqatigiissitamik pilersitsisoqarpoq, kingusinnerpaamik novembarip qiteqqunnerani 2012 kaammattuutiminik saqqummiussisussamik, siunis-sami qanoq iliornikkut sapinngisamik pitsaanerpaamik politikikkut killi-liussat iluini qaleralinniarnerep ineriartortinneqarsinnaanera pillugu. Si-unissaq ungasinnerusoq eqqarsaatigalugu aaqqiissuteqarnissami ilaassap-put pisassiissutaasartut pillugit nalilersuisarnerit, taamaalilluni ukiup in-gerlanerani pisassiissutaasunik assigiiaarnerusumik agguaassisarnissaq qulakkeerumallugu. Suleqatigiissitaq inuttaqarpoq qaleralinniarnermut tunngatillugu suliaqartunik tamanik, soorlu makkunannga, KNAPK, Qaa-suitsup Kommunia, Sulisitsisut (GA) aamma SIK. Suleqatigiissitap kaammattuutunik kinguneqarluartussanik saqqummiussinissaa naatsor-suutigaara, tamakkulu ukiup tullianiilli najukkami aalisartunut iluaqutaa-lerumaartut.

## 2 Pillugu)

Ingerlatseqatigiiffik imaluunniit inuk kinaluunniit Aalisarnej pillugu Inatsimmi § 22a malillugu qinnuteqarnermi akuerineqarsimaguni nunami nioqqutissiorfimmik ammaasinnaavoq, imermik imaluunniit innaallagis-samik pilersorneqarnermut tunngatillugu ajornartorsiuteqartoqanngippat qaleralinnillu tunitsivimmik ammaalluni. Tassalu allatut oqaatigalugu, ul-lumikkut Upernavimmi Uummannamilu aamma unammilleqatigiinnis-samut periarfissaqarpoq.

## 3 Pillugu)

Ukioq manna Ilulissat eqqaanni tunisinermi akit qaffariarsimanagerat eqqarsaatigigaanni tamanna pingaarnerusutut tunngaveqarsorinarpoq unammilleqatigiinnerup annertusisimanageranik. Aamma tassaasinnaavoq aqutsiveqarfii pingasusut akornanni qalerallit angissusiisa assigiinngii-aarnerat, soorlutaaq tassaasinnaalluni sumiiffinni taakkunani pingasu-usuni qaleraleqatigiit assigiinngitsuunerat. Aammaattaaq imaasinnaavoq qaleraleqatigiit assigiinngitsut aalisarnerisa kingunerisinnaagaat angis-sutsit assigiinnginnerat, kisianni maani pitsaassuseq assigiissuteqanngi-laq.

Inussiarnersumik inuulluaqqusillunga